



ხელშეკრულება №470/3

ნორმატიული აქტების საინფორმაციო-სამიუზო სისტემა "კოდექსი-ოფისი 2007 R2"-ის ინფორმაციულ მომსახურებაზე

3 იანვარი 2011წ.

ქ. თბილისი

შ.პ.ს. "ინფოსერვისი" მისი გენერალური დირექტორის ზურაბ თეთრამის სახით, წოდებული შემდგომში "შემსრულებელი", ერთის მხრივ და სსიპ სასჯელაღსრულებისა და პრობაციის სასწავლო ცენტრი მისი დირექტორის ნატო გუგავას სახით, წოდებული შემდგომში "დამკვეთი", მეორეს მხრივ, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. შემსრულებელი გადასცემს საკანონმდებლო და კანონქვემდებარე აქტების საინფორმაციო-სამიუზო სისტემას - "კოდექსი-ოფისი 2007" (შემდგომში "კოდექსი-ოფისი"). "კოდექსი-ოფისი" მუშაობს ოპერაციულ სისტემებში - MS WINDOWS 2000/XP/Vista, და შედგება სამი პროგრამისაგან:

- ა) "კოდექსი 2007 R2"
- ბ) "კოდექსი ოფისი 2007 R2- კოდიფიცირებული"
- გ) "კოდექსი 2007 R2 - საერთაშორისო ხელშეკრულებები"

1.2. "კოდექსი 2007 R2" მოიცავს:

- საქართველოს კონსტიტუციას;
- საქართველოს პატლამენტის კანონებსა და დადგენილებებს;
- საქართველოს პრეზიდენტის (პარლამენტის თავჯდომარე - სახელმწიფო მეთაურის) ბრძანებულებებსა და განკარგულებებს;
- საკონსტიტუციო და უზენაესი სასამართლოების განჩინებებს, გადაწყვეტილებებსა და პლენუმის დადგენილებებს;
- საქართველოს რესპუბლიკის მთავრობის (მინისტრთა საბჭოს, მინისტრთა კაბინეტის) ძირითად დადგენილებებს;
- საქართველოს ეროვნული ბანკის, საგადასახადო სამსახურისა და ფინანსთა სამინისტროს მიერ 1993 წლის 1 იანვრიდან მიღებულ ძირითად კანონქვემდებარე და ნორმატიულ აქტებს (დადგენილებები, ინსტრუქციები, დებულებები, მითითებები, წერილები და ა.შ.);
- ქ. თბილისის საკრებულოსა და მერიის დადგენილებებს, გადაწყვეტილებებს, ბრძანებებს, აგრეთვე მუნიციპალიტეტის კაბინეტის დადგენილებებს;
- სამინისტროების, კონტროლის პალატის, გენერალური პროკურატურის სხვადასხვა სახელმწიფო სამსახურების (დეპარტამენტები, კომისიები, სააგენტოები და სხვა) მრავალ დოკუმენტს.

- 1.3. "კოდექსი 2007 R2 კოდიფიცირებული" მოიცავს კოდიფიცირებულ საქართველოს ყველა კანონსა და კოდექსს;

წ-2442521

1.4. "კოდექსი 2007 R2 – საერთაშორისო ხელშეკრულებები" მოიცავს საქართველოს მიერ ხელმოწერილ საერთაშორისო ხელშეკრულებებს, შეთანხმებებს, ოქმებს, დეკლარაციებს, მრავალმხრივ ხელშეკრულებებს, საერთაშორისო კონვენციებს;

1.5. ინსტალაციის მომენტში "კოდექს-ოფისი"-ს ინფორმაციული ბაზების მოცულობა შეადგენს 56292 დოკუმენტს (49897+4620+1775=56292), დაახლოებით 900 მეგაბაიტ ინფორმაციას.

2. სამუშაოთა ღირებულება და ანგარიშსწორების წესი

2.1. მონაცემთა ბაზების ყოველკვირეული ინფორმაციული განახლება ერთ კომპიუტერზე (სერვერზე) ანაზღაურდება თვეში 40 (ორმოცი) ლარის ოდენობით, ხოლო "კოდექს-ოფისი"-ს სხვა კომპიუტერებზე დაყენების შემთხვევაში, ყოველი დამატებითი კომპიუტერისათვის აღნიშნულ თანხას თვეში დაემატება 10 (ათი) ლარი.

2.2. ექვს კომპიუტერიანი ქსელისათვის გაწეული მომსახურების ღირებულება თვეში შეადგენს 90 (ოთხმოცდაათი) ლარს. ხელშეკრულების მთლიანი თანხა შეადგენს 1080 (ათას ოთხმოცი) ლარს

2.3. გადახდა მოხდება ყოველთვიურად, წარმოდგენილი საგადასახადო ანგარიშ-ფაქტურის მიხედვით.

2.4. დამკვეთი იღებს ვალდებულებას აუნაზღაუროს შემსრულებელს ამ ხელშეკრულებით განსაზღვრული ღირებულება ანგარიშ-ფაქტურის წარმოდგენიდან 10 კალენდარული დღის განმავლობაში.

2.5. ზემოთჩამოთვლილი ყველა თანხა მოიცავს დამატებითი ღირებულების გადასახადს.

3. მხარეთა პასუხისმგებლობა

3.1. შემსრულებელი ვალდებულია განახორციელოს "კოდექს-ოფისი-ს" ინფორმაციული განახლება არანაკლებ ორ კვირაში ერთხელ, ახალი საკანონმდებლო და ნორმატიული აქტების მიღების შესაბამისად.

3.2. "კოდექს-ოფისი"-ს ინფორმაციული განახლება დამკვეთის სურვილის თანახმად მოხდება ელექტრონული ფოსტის გამოყენებით.

3.3. დამკვეთი ვალდებულია დაიცვას საინფორმაციო-სამიებო სისტემა "კოდექს-ოფისი" არასანქცირებული გამრავლებისაგან.

4. ფორს-მაჟორი ანუ გაუთვალისწინებელი შემთხვევები

4.1. თუ ხელშეკრულებით ნაკისრი ვალდებულებების შეუსრულებლობა განპირობებული იყო ხელშეკრულების მხარისაგან დამოუკიდებელი დაუძლეველი ძალის გარემოებების ზემოქმედებით, რომლებიც შეუძლებელს ხდიან ხელშეკრულების მხარის მიერ ვალდებულებების დროულად და/ან სათანადოდ შესრულებას, ხელმომწერი მხარე თავისუფლდება პასუხისმგებლობისაგან ამ დაუძლეველი გარემოებების (შენდგომში ფორს-მაჟორი) მოქმედების მანძილზე.

4.2. ხელმომწერი მხარე ან მისი უფლებამონაცვლე, რომელიც ფორს-მაჟორს იმოწმებს, მოვალეა დაუყოვნებლივ აცნობოს მეორე მხარეს წერილობით (დასაშვებია შეტყობინება

ელექტრული ფოსტის მეშვეობით), ფორს-მაჟორული გარემოებების ზემოქმედების დაწყების და შეწყვეტის შესახებ.

5. ხელშეკრულების განსაკუთრებული პირობები

5.1 ეს ხელშეკრულება შეიძლება გაუქმდეს ან შეიცვალოს მხარეთა ორმხრივი შეთანხმებით. გარდა ამისა, ხელშეკრულების თითოეულ მხარეს უფლება აქვს ვადაზე ადრე შეწყვიტოს ხელშეკრულება ცალმხრივად, ისე, რომ მას ამისათვის არ დაეკისროს პასუხისმგებლობა, თუ შეწყვეტის შესახებ მეორე მხარეს წერილობით შეატყობინებს (დასაშვებია შეტყობინება ელექტრული ფოსტის მეშვეობით) შეწყვეტამდე ერთი თვით ადრე. ხელშეკრულების ნებისმიერი მიზეზით შეწყვეტის შემთხვევაში მხარეთა შორის უნდა მოხდეს საბოლოო ანგარიშსწორება.

5.2. საკითხები, რომლებიც განხილული არ არის ამ ხელშეკრულებაში, გადაწყდება დამატებითი ხელშეკრულების დადებით.

5.3. ქონებრივი ან არაქონებრივი დავა, რომელთა გამო მხარეები ვერ შეთანხმდებიან, გადაწყდება სასამართლოში საქართველოს კანონმდებლობის შესაბამისად.

5.4. ინფლაციური პროცესების შემთხვევაში "კოდექს-ოფისი"-ს ინფორმაციული განახლების ანაზღაურება შეიძლება შეიცვალოს მხარეთა შეთანხმებით.

6. ხელშეკრულების მოქმედების ვადა და მხარეთა იურიდიული მისამართები

6.1. ამ ხელშეკრულებას მხარეები დებენ 2011 წლის 31 დეკემბრამდე.

6.2. ხელშეკრულება შედგენილია ორ ეგზამპლარად და ორივეს თანაბარი იურიდიული ძალა ენიჭება მხარეთა მიერ ხელშეკრულების ხელმოწერის დღიდან.

6.3. მხარეთა იურიდიული და საბანკო რეკვიზიტებია:

შ.პ.ს. "ინფოსერვისი"

თბილისი კ. ხეთაგუროვის 4

ტელ: 19-34-91; 95-10-36

საიდენტიფიკაციო კოდი 200001229

საბანკო რეკვიზიტები:

ბანკი "რესპუბლიკა"-ს სადგურის ფილიალი

ა/ა ანგარიშის № GE31BR0600003608002037

ბანკის კოდი 220101759

სსიპ სასჯელაღსრულებისა და პრობაციის სასწავლო ცენტრი

გარდაბნის მუნიციპალიტეტი, რუსთავის

გზატკეცილი მე-17 კმ.

ტელ: 824-18-04-84

საიდენტიფიკაციო კოდი: 2044993262

საბანკო რეკვიზიტები:

სხელმწიფო ხაზინა. კოდი 200122900

ბანკის კოდი 220101222

შ.პ.ს. "ინფოსერვისი"-ს

გენერალური დირექტორი

ზურაბ თეთრამე

სსიპ სასჯელაღსრულებისა და პრობაციის სასწავლო ცენტრის დირექტორი

ნატო გუგავა



2011 წ.



2011წ.